



Lars Poulsen
Inatsisartunut ilaasortaq, Siumut

**Ilisimatusarfimmi kandidatinnngorniarnermi Kalaallit Nunaata avataani
ilinniagaqarnermi piumasaqaatit aqunneqartarneri pillugit – § 37 naapertorlugu
apeqqummut nr. 137/2026-mut akissut**

05-08-2026
Suliap normua 2026 - 3567
All. nr. 26695752

Postboks 1029
3900 Nuuk
Oqarasuaat: +299 34 50 00
Email: ikin@nanoq.gl
www.nanoq.gl

Asasara Lars Poulsen

Inatsisartut suleriaasiat naapertorlugu apeqqutitut saqqummiussannut qujanaq.
Apeqqutit tullinnguuttuni akissuteqarfigissavakka.

Kalaallit Nunaata avataani ilinniagaqarnermi piumasaqaatit Ilisimatusarfimmit nammineq
aqunneqarput, taamaattumillu § 37 naapertorlugu apeqqutip akinissaanut Ilisimatusarfik
akissutissarsiffigineqarsimavoq.

Apeqqut 1: Naalakkersuisut nassuiaateqarsinnaappat, Ilisimatusarfimmi
kandidatinngorniarnerni Kalaallit Nunaata avataani ilinniagaqarnermiinnerup
piumasaqaataa qanoq aqunneqartarnerisq?

Akissut: Kalaallit Nunaata avataani ilinniagaqarnermi piumasaqaatit ilinniarfinni
assigiinngitsuni pisortaasunit, immikkoortortaqqarfinniit Nunarsuarmioqataaneq
Attaveqatigiinnerlu kiisalu ilinniartunut sullissivimmit aqunneqartarput. Ilinniarfissami
ilinniagassat immikkoortortamit nalilerneqarlutillu akuerineqartarput tassunga ilanngullugit
ilinniakkanut ilinniarsimasat ilinniakkamut allamut nuussinnaanerat
akuereerneqartarlutik. Immikkoortortap Nunarsuarmioqataaneq Attaveqatigiinnerup
nunani allani ilinniarnissani allaffissornikkut ataqatigiissaarisarnerit isumagisarpai,
Ilinniartunullu sullissivimmit immikkut akuerineqarnissamik qinnuteqaatit
isumagineqartarlutik.

Apeqqut 2: Naalakkersuisut ilisimatitsisinnaappat, ullumikkut kandidatinnngorniarnerni
sorliit Kalaallit Nunaata avataani ilinniagaqarnermiinnissamut piumasaqaateqarfiunersut?

Akissut: Ilisimatusarfimmi ilinniakkat kandidatinnngussutaasinnaasut tamarmik
"Qaffasinnerusumik pillugit Inatsisartut inatsisaani nr.14-imi 12. juni 2019-imeersumi" §
36, imm. 1-imi piumasaqaataasunik aallaaveqarput.

Apeqqut 3: Naalakkersuisut ilisimatitsisinnaappat, inatsisilerinermik, Arktisk
Samfundsvideenskabimik, inuussutissarsiornermut aningaasaqarnermik

(Erhvervsøkonomi), kulturimik inuiaqatigiillu oqaluttuarisaanerannik (Kultur- og Samfundshistorie) kiisalu oqaatsinik, atuakkianik tusagassiuutinillu (Sprog, Litteratur og Medier) kandidatinnngorniarnerni piumasaqaataasoq qanoq aqunneqartarnersoq?

Akissut: Kandidatinngorniarfiusuni tamani Kalaallit Nunaata avataani ilinniagaqarnissamik piumasaqaatit tamarmik assigiimmata apeqqummut 1-imut akissut innersuussutigineqarpoq.

Apeqquut 4: Naalakkersuisut nassuiaateqarsinnaappat, kandidatinnngorniarnernit assigiinngitsut akornanni piumasaqaammik aqutsinermi assigiinngissuteqartoqarnersoq?

Akissut: Kandidatinngorniarfiusuni tamani Kalaallit Nunaata avataani ilinniagaqarnissamik piumasaqaatit tamarmik assigiimmik aqunneqartarput.

Apeqquut 5: Naalakkersuisut ilisimatitsisinnaappat, kandidatinnngorniarnernut taaneqartunut ilinniarnermi malittarisassat ingerlaqqiffiusumik ilinniartitaanerit pillugit inatsit atuuttoq naapertorlugu nutarterneqarsimanersut?

Akissut: Ilinniakkani kandidatinnngorniarfiusuni tamani taaneqartuni ilinniagassat pillugit aaqqissuussinerit ingerlaqqiffiusumik ilinniakkat pillugit inatsit atuuttut naapertorlugit suliarineqartarput akuttunngitsumillu nutarterneqartarlutik.

Apeqquut 6: Naalakkersuisut suliniuteqassappat ilinniagaqarnermiinnerit pillugit malittarisassat kandidatinnngorniarnerni tamani erseqqissumik, assigiimmik ammasumillu aqunneqarnissaat qulakkeerniarlugu?

Akissut: Kalaallit Nunaata avataani ilinniagaqarnermi maleruagassat erseqqissumik, assigiimmik ammasumillu siuliani oqaatigineqartutut aqunneqartarput. Taamaattumik siuliani allaaserineqartutut Naalakkersuisut inatsimmik allanngortitsinissaminnut tunngavissaqarsorinngillat.

Inussiarnersumik inuulluaqqusillunga



Nivi Olsen